

周
官
析
疑

周官析疑卷之十三

保氏

掌諫王惡而養國子以道

曰以媿詔王曰諫王惡蓋因事而陳善納規與公孤之職自別

乃教之六藝一曰五禮二曰六樂三曰五射四曰五馭五曰六書六曰九數

賈疏參連裏尺乃射之常節不可謂之藝能剡注義亦難曉竊疑裏者包也或上下或左右兩

矢注鵠而正相對中間所包恰一尺則謂之裏尺猶兩席相對而中容丈曰函丈也凡圭之形博三寸刻上左右各寸半弦其上端及左右稜則三角形刻注者三矢注鵠如圭首上之形也蓋一矢貫鵠者爲白矢二矢中而如式者爲裏尺三矢連中者曰參連中不連而三角形爲刻注四矢皆中而正方爲井儀裏尺刻注皆以其形體言故於井曰儀以顯其義也矢三中而不相連式不合猶無稱焉則下此可知矣自裏

尺以徃皆貫鵠而見鏃者也中鵠而矢墜則不見其儀故詩有取於四鏃之如樹耳

凡祭祀賓客會同喪紀軍旅王舉則從聽治亦如之

保氏居虎門司王朝當與師氏同不言者文畧也

使其屬守王闈

師氏胥十有二人徒百有二十人倍於保氏以王門外守者衆多且用四夷之隸故以師氏之

胥徒董之、保氏守宮中之闡、則第用其屬之胥徒足矣。

司諫

巡問而觀察之以時、書其德行道藝、辨其能而可任於國事者。

自州長及族師、無時不讀法以教民、而考其德行道藝、復設司諫司救之官、何也、敷教在寬、故鄉官之職、惟在教育化誘、以興其賢能。州長之糾、不過合聚而警戒之、問師之觥撻罰、乃庶民小過、而創懲

之法無見焉。故特設司諫以主學士之不帥教者。下經曰：以行赦宥，則不帥教者有移左移右。郊遂寄棘之法明矣。於德曰糾，於行曰正，則性質之乖異可知。於道藝曰強，則學誦之偷惰可知。於朋友曰勸，則平日之比於匪人可知。苟能改悔，仍時書其德行道藝，辨其能而可任於國事者，則猶將因材而器使焉。司救之官，則專爲罷民而設也。坐諸嘉石，役諸司空，聚諸圜土，學校之法，未聞有此。以是知爲平教罷民也。然不

齒止於三年鄉里任之則宥而舍之民雖自棄而先王不忍終棄之也羣儒多謂懼州長以下所考德行道藝未實故設司諫以巡察之而彼此參驗非也羣士之德行道藝自間胥以上層累而察之積月累歲以達於州長鄉大夫親詢於衆庶尙懼其不實而惟司諫足信乎魏氏校謂訪求人材察舉逸遺亦非也古者鄉舉里選卽有秉德抱道而不願仕者衆必知之鄉射禮所謂君子是也若農夫敬敏吏胥廉幹則有

閭胥鄉長等職以處之、無爲特設一官以巡閭
觀察、且於此經所謂正其行、強之道藝皆不合
故知專爲學士之不帥教者設耳
以攷鄉里之治、以詔廢置以行赦宥

詔廢置以詔小司徒及遂大夫也、鄉遂並近王
都、司救巡國及郊野、則司諫職宜同赦宥、謂士
不帥教、移郊移遂而能變者宥之、使各返其鄉
學、若罷民則州里之吏自任於司寇而宥之、與
司諫無與、王氏應電說誤

司救

掌萬民之袞惡過失而誅讓之以禮防禁而救之
以禮防禁謂使父兄督教鄰里糾察有司誅詰
視平民加嚴使不敢怙惡所以救之也故其文
在誅讓之後加明刑之前

凡歲時有天患民病則以節巡國中及郊野而以
王命施惠

鄉師巡國及野春秋補助之常也鄉師司徒之
次又以四人分掌六鄉天患民病或越月涉時

而後可以終事。故別屬司救。其列職皆曰以王命施惠。示所至。有司不得沮格也。鄭氏乃謂欲恩歸於王。誤矣。先王之於侯國。雖使方伯連帥遞相監臨。然必時邁其邦。以震之。所以使之震動恪恭。而不忘其所守也。其於萬民。雖使有地治者遞相督教。然必使司諫司救巡問而觀察之。所以使之畏懼懲艾。而職思其居也。

調人

凡過而殺傷人者。以民成之。鳥獸亦如之。

李鍾儔曰似當謂鳥獸殺傷人如馬之蹄啣牛之抵觸、豺犬鷹鷂傷人之類、注謂殺傷人之畜產、則其事細微、豈得謂之讐難乎、

凡和難父之讐、辟諸海外、兄弟之讐、辟諸千里之外、從父兄弟之讐、不同國、

父兄之讐而可和者、以過而殺傷也、此卽有虞流宥之法、辟諸海外、則終身不得近其父兄、妻子辟諸千里之外、則終身不得展其墳墓、雖以情宥而國法亦少伸矣、

弗辟則與之瑞節而以執之

弗辟必怙勢而弱其敵者也。故官持瑞節執而

放諸異國。周制九服外薄四海。用瑞節者徵信

於所放之國也。

守邦國者用玉節

若執而治其罪則無

事瑞節

凡殺人而義者不同國。令勿讐讐之則死

殺人而義者如夫爲寄殺穿窬夜入人室之類

令勿讐而仍不使同國者恐相遇而不能忍也

雖不同國而仍令勿讐讐之則死者恐其迹之

他國也。父之讐雖已和尙使辟諸海外亦恐逮而得之鄭游販奪人之妻其夫攻殺之而以其妻行子產復之令游氏弗怨

媒氏

凡娶判妻入子者皆書之

判妻似謂出婦入子或媵女旣入夫家未御而

夫死改適人者

漢書許后傳臨當入殿侯氏子死

中春之月令會男女于是時也奔者不禁若無故而不用令者罰之司男女之無夫家者而會之

自仲春以下三十七字蓋莽歆所增竄莽法私

鑄者伍坐、沒入奴婢、以十萬數、至則易其夫婦、民人駭痛、故歆竄此、以示周公之法、官會男女而聽其自奔、則以罪沒而易其夫婦、猶未爲已甚也、夫無夫家而聽其自奔、雖亂國汚吏不能布此爲憲令、卽以所會者爲鰥寡、亦非一與之齊、終身不改之義、故知周官必無是法也、且以文義求之、於奔者不禁、後承以無故而不用令者、罰之則所謂不用令者、未知其何指、旣曰大會男女、又曰司男女之無夫家者而會之、重見

贅設亦無此文義康成之說害義傷教羣儒求其故而不得強爲之辭皆不足辨也

凡嫁子娶妻入幣純帛無過五兩

並云嫁子入篋笥者亦無過五兩也

禁遷葬者

遷葬或出母改適無子而前子欲遷以耐父

司市

掌市之治教政刑量度禁令

禁物靡亡者使有利者使阜害者使亡靡者使

微以及僞飾之禁、過市之罰、屬游飲食之禁、皆所以教也。鄉遂公邑稍縣都莫不有市、而官司市政獨立於國中、國中之政立、則餘皆視此矣。且聯門關以譏不物、則境內姦貨通不得行、而市政壹矣。

以陳肆辨物而平市

物同、使列肆於一區、則美惡相校、易辨、而市價自平矣。

以商賈阜貨而行布

張自超曰、商通貨而賈居之、則貨阜、賈居貨而商通之、則布行、

以臬府同貨而斂賒

方道章曰、官有斂賒之政、則以貨來者同得售、而不至於稽滯折閱、貨之積者同得散播、而民賴其用、故曰同貨、

大市曰昃而市、百族爲主、朝市朝時而市、商賈爲主、夕市夕時而市、販夫販婦爲主、

大市者、鄉邑之民以百物交易也、必日昃、遠邑

乃可至商賈市以朝者商以貨來而賈居之或求貨於賈成議轉物每窮日之力必以朝乃便也販夫販婦市以夕者所販乃朝夕所求之物市之者亦近市之人也

凡市入則胥執鞭度守門市之羣吏平肆展成奠賈上旌于思次以令市市師蒞焉而聽大治大訟胥師賈師蒞于介次而聽小治小訟

劉捷曰鄭氏錡謂爭長短者執鞭度以齊之方入門不宜有以長短爭者考工記以鼎局乘車

計門之所容刻度於鞭豈備有以鉅物入者則以度門之能容否耶其旣成賈者則展其物以待判決其未成賈者則定其價以待求索卽賈師所掌也王氏郎氏謂器幣不中度數生物不中殺爲不成非也彼所云乃財物犯禁者司門舉而歸於質人以罰之非賈師所掌也此所謂成如已入質劑而未交割及成賈而期以泉貨取者則展視其質劑及所約之期過期則聽其別售後雖有爭訟官司不聽

凡萬民之期于市者辟布者量度者刑戮者各于其地之叙

辟開通也。泉府同貨而斂賒。官斂不售貨則商賈入貨以受布。民有買於官則入布以受貨。有賒則取貨而約期以入布。皆所以開通泉布也。凡得貨賄六畜者亦如之。三日而舉之。

康成謂舉而沒諸官非也。蓋登於冊籍使踰時而求者可驗耳。春秋傳仲尼使舉是禮也。以爲多文辭。管子時簡稽師馬牛之肥瘠其老而死

者皆舉之

凡治市之貨賄六畜珍異亡者使有利者使阜害者使亡靡者使微

此申禁物靡均市之事害謂奇器異物無當民用者作無益害有益故使之無靡者尙可用但費財而導侈故使之微周官詳於市政卽此一節足以消游惰阜百物備天災厚民俗非細故也

國凶荒札喪則市無征而作布

孫氏之宏謂市無征而作布以利商賈乃欲阜
通百物以便民近似而非其實也無征以恤商
作布以散平民使易菽粟自兩事耳蓋古者耕
九餘三公私皆有積粟雖遇凶荒中家可保故
惟以誓教恤使五黨相賙士師之移民通財是
也其單丁女戶及遭疾病事故而貧乏者則官
給泉布使自糴粟則無地無人而不便若商賈
所通之百物則豈可以療饑哉古者作錢幣
以救凶荒以穀粟之積者多也若無穀粟則泉

布無權後世兵火水旱貴人富商有抱其金玉
錦繡而死者政無常經民非本富故也

凡市僞飾之禁在民者十有二在商者十有二在
賈者十有二在工者十有二

鍾曉曰此所謂十有二者文與老子生之徒十
有三死之徒十有三相類謂市中飾僞之物十
者之中約計有二民及商賈皆有之在所必禁
也

國君過市則刑人赦夫人過市罰一幕世子過市

罰一幣命夫過市罰一蓋命婦過市罰一帷

刑人卽犯憲徇扑之市刑者君過市而赦刑人
非以爲德也。示上無踰禮然後可以禁民爲非
也。夫人世子命夫命婦知過市爲非禮之行則
內疚於心。又以身居民上。罰不宜施而使刑人
代之。則負慚於衆。凡此皆所以禁過於未萌也。
凡會同師役市司帥賈師而從治其市政掌其賣
積之事。

雖師行有律猶恐遠方鄉邑之民有懼強賈句

奪而不前者使市司帥賈師以治市政則民聽不惑而百貨屬路矣

質人

掌成市之貨賄人民牛馬兵器珍異

平物賈者賈師質人專掌質劑所謂成者兩人交易入質劑於質人則一成而不可變其欺僞者後得質訟治之各有程期徐念祖曰古無奴婢而書曰臣妾逋逃似謂奴婢豈盜賊之子女罪隸春槩之外或以賜羣臣故士大夫之家

問亦有之與、記稱子碩請鬻庶弟之母、又曰、買妾不知其姓、則卜之、市有人民、蓋謂此等豈士大夫家亦有以所畜臣妾相鬻者與、方道希曰、宮正分其人民以居之、則人爲貴者、民爲賤者、明矣、縣師人民連夫家言、則爲餘夫處女明矣、此職人民與貨賄牛馬連類、故注以奴婢當之、若朝士職所委人民、則幼而失迷道路者耳、同其度量、壹其淳制、巡而考之、犯禁者舉而罰之、不獨罰之、且書其所犯於冊籍、使懼而不敢再

也。質人所稽書契也。所考度量淳制也。而曰犯
禁者舉而罰之。則舉爲記。登於冊明矣。自鄭氏
以秦漢新莽之法。詁周官。凡曰舉者。皆以沒入
其貨財爲義。不知列職於關市者。雖緘悉不遺。
然皆以利民。用禁詐僞。止爭訟。詰盜賊。警游惰。
懲鬪盜。亂而未嘗利其財也。市之征。惟塵布
關亦然。司門旣征其貨。則關市無貨征矣。所以
旣征其貨。復征其塵者。恐商賈過贏。而民爭逐
末耳。即管子使四民交能易作。終歲所入無道以相過之義且市之征布。

以斂不售貨而買者各從其抵則上無所利之
明矣門關之財以養死政者之老與其孤而不
以給他用則其義益彰徹矣

塵人

掌斂市歛布總布質布罰布塵布而入于泉府
罰布卽司市小刑中刑大刑所罰蓋旣憲之徇
之扑之而又罰以布也嗜利爲姦者雖受辱心
猶未已反以損財則其心戢矣 劉捷曰先王
之制於商則貨外無征司門之征其貨賄是也

於賈則征其麀而不征其貨。此職之麀布司關
職之征麀是也。若如鄭注既征其麀又稅其肆
守斗斛銓衡者又稅之入質劑者又稅之雖桑
孔心計未聞及此而謂周公之典有是乎。犯
質劑者之罰宜統於罰布不宜別爲一類經之
本文止宜有總布罰布麀布紵布質布乃劉歆
所增竄也。蓋莽立山澤六筭權酒鑄器巧法以
窮商工故竄此以示周官征布之目本如是其
多耳。

凡屠者斂其皮角筋骨入于玉府

入于玉府非中玉府之用者不斂也澤人之財物亦然蓋其物皆民用所必需取其尤良者而留其餘以爲萬民之用俾得自貿易也市無貨征皮角筋骨以當廛布耳商致遠物鬻財多故征其貨屠物則間閭朝夕所求不宜別稅故知以當廛征注謂其無皮角及筋骨不中用者別稅之雖末世市征亦未聞苛細至此

胥師

察其詐僞飾行儼者而誅罰之聽其小論小訟而斷之

劉齊曰儼者而曰飾行者今市中賣僞物多使老弱疾者詐爲有急而使人不疑所謂飾行也

賈師

各掌其次之貨賄之治辨其物而均平之展其成而奠其價然後令市

辨其物之良苦使各有差等良苦相均始得其平

凡天患禁貴儷者使有恒賈四時之珍異亦如之
三代聖王所以恤民惠商其法曲備而穀物之
蓄所在皆有之故遇天患可禁貴儷者後世救
荒則以增價招商爲善政時勢各有所宜也

司競

若不可禁則搏而戮之

不正者陰謀市竊故胥伺襲而執之鬪囂競亂
其迹顯見禁之不可則搏執之而已無所用伺
邱氏項氏之說非也

司稽

掌巡市而察其犯禁者與其不物者而搏之
和風翔曰李氏如玉謂稽留連不去之人非也
犯禁與不物者不待稽留而後可辨當以稽察
爲義

掌執市之盜賊以徇且刑之

徒徇者不必刑若盜賊則雖小必以徇且刑之
其大者則歸於士也市之大刑扑罰又曰凡有
罪者撻戮而罰之則歸於士者惟盜賊爲多矣

肆長

各掌其肆之政令陳其貨賄名相近者相遠也實相近者相爾也而平正之

必辨其名實然後物可正價可平

斂其總布掌其戒禁

賈師職曰凡國之賣儻各帥其屬而嗣掌其月肆長賈師之屬也買賒官物之布必肆長斂之可知矣其或日終而總計之或旬終而總計之以會於廛人故曰總布與

泉府

掌以市之征布斂市之不售貨之滯于民用者以
其賈買之物揭而書之以待不時而買者買者各
從其抵

於此見聖人愛民之實而後世平準均輸藉以
浚民者不得假託也徐念祖曰貨至不售而
官斂之其故價必賤可知矣故令各從其抵不
忍因貨之缺乘民之急而多取以病之也疏謂
康成不從先鄭恐前買時貴後或賤依故價于

之卽損民誤矣。時價果賤，民乃不求之市肆而
貴買諸官乎？有泉府以斂滯貨，然後賈師可
禁貴儻。先王恤商愛民，至誠至公，人心所由感
動也。

都鄙從其主，國人郊人從其有司，然後予之。

方道章曰：買貨必從所司者，官收滯貨，本以利
民，必實有需用，然後予之。若遠商大賈轉貨逐
利，則不予也。貨之滯者，踰時必騰躍，故設禁如
此。

凡民之貸者與其有司辨而授之以國服爲之息
古者粟米布帛牲畜民自有之以祭祀喪紀而
有賒於官不過金錫漆絮及遠方之珍異耳惟
祭祀喪紀乃許其賒則冠婚賓客且不聽矣賒
之外安得更有所謂貸哉以爲貸不滯之貨則
農工之家無所用之以爲貸之商賈而聽其轉
販則泉府所斂專以濟喪祭之匱乏而都鄙從
其主人國人郊人從其有司正恐其轉販也謂
貸以泉布則先王抑末以歸農萬無資商賈以

陰取其利之道。自王莽貸民以財。使治產業。計
贏受息。鄭氏以釋周官。王安石遂立青苗法。制
民禍國。陳氏傳良辨注之。誤以爲還本之後。計
日服國事以爲息。視鄭氏爲近理。不知周官之
法。本有賒而無貸。以奉欲貸民取息。故歆竄此
以惑衆耳。司市職以泉府同貨而斂賒。則有斂
有賒。而無所謂貸明矣。賒物細微。使果有貸法。則所貸當甘。在干葛於
賒不宜舉小而遭大經文當周官之法荒札則
賑救之。難阨則賙恤之。皆蠲上所有以予民。惟

旅師積粟、春頒而秋斂、特慮新甿少儲蓄、故多

方以利之耳、

所以至秋必斂者、不斂其本、蓋貸粟則無以給、後此之新甿也、

乃問里有無相通之稱、至春秋之末、宋鄭饑、諸大夫助公以私粟、假民、然後有貸之名、然宋司城氏貸而不書、則本粟且不收矣、不惟周官無貸法、春秋以前之書、從未有言富貸者、此三語乃莽歆增竄無疑、自北宋以後、羣儒爭言賒貸可行於成周、而不可行於後世、不知周官之法、本有賒而無貸、卽賒法亦僅可行於井田封

建之時而不可行於郡縣之後耳

凡國事之財用取具焉

不曰國用而曰國事之財用、謂事所用之材物、以布市者、取具於泉府、以在市而通百物也、外府掌邦布之出入、以共百物而待邦之用、蓋九職貢物所無而爲邦用所必需者、泉府市其物、所征之布不足用、則受布於外府、以具之、歲終則會其出入而納其餘

納其餘、注謂內於職幣、非也、職幣乃敘用邦財

者之餘幣不與泉府聯事此謂納諸大府也蓋
市布皆入於泉府泉府至歲終會其出入具簿
籍以納其餘於大府大府受而頒之外府正所
謂受用之府也

司門

正其貨賄凡財物犯禁者舉之
於門征商貨公家所斂則入於官府而不之市
廛所以省轉運與廛征也王昭禹謂正其貨
賄而後無者有利者阜以破鄭注非也閭師職

任商以市事貢貨賄而征商之文無別見者則

司門主征貨賄明矣

或以市無征而作布疑市亦有貨征非也泉府以市

之征布斂不售貨則市所征惟布明矣

用此見成周之濶畧於征

商也關市皆不征其貨

司關所征之非貨於惟征本職之塵征見之

於門征之蓋自王都而外必公卿王子弟之太

都小都鄉遂之州縣及公邑家邑之城廣民殷

者有城有門百貨所輳然後征焉其餘千家五

百家之市其貨賄入於關而不入於門者壹皆

無征也司門之上士中士皆倍於司關又特設

下大夫二人以領之。增下士十有六人以佐之。正以通掌畿內之門禁及貨征耳。至於貨之高下美惡賈師辨之。豈司門所能及哉。羣儒無根之說如此類者實多。不足辨以鄭改讀經文。庸學每拾異說以爲名。故辨之。鍾晚曰言舉而不言罰者。門近於市矣。故舉之。使受罰於貨人。以其財養死政之老與其孤。

列職於門而關則無之。以門關之委積以養老孤。遣人職有明文也。王氏應電謂專用所罰犯

禁者之財未安政教清明犯禁者無多而老孤
至衆蓋公家委積素備而罰財亦在其中耳

周官析疑卷之十四

司關

掌國貨之節以聯門市

貨自外入者由關而門、由門而市、非有司關之節不得達、故曰以聯門市。鄭注兼自內出者言、則下文凡所達貨、賄以節傳出之、爲剩語矣。故於彼注復迂其解。張自超曰：王氏應電謂司市司關皆用璽節、獨司門不言節、蓋舉兩端則中可知非也。自關入必達於市、關之璽節門者

驗之卽聽其入矣。自市出必達於關。市之璽節門者驗之卽聽其出矣。司門特不用璽節耳。門關用符節。經有明文。而云司門不言節可乎。門用符節以達賓旅於關也。關用符節又以達於畿內及所之之國。所過之門關與通貨賄爲二事。絕不相涉。方道希曰。司門言授管鍵以啟閉國門。則關可知。

司貨賄之出入者。掌其治禁與其征廛。

貨賄之出入有掌其治者。則出入先後不相犯。

有掌其禁者則靡害飾僞不能行。廛人斂廛布此職復征廛者。或留貨於關以待野鄙之交易而不入於門市也。不曰廛征而曰征廛者。關非久留之所。曰廛征則似凡停於邸舍者皆征其貨。曰征廛則知所征者乃廛布而其貨乃久留於關者與所征之非貨皆見矣。康成乃據此分征與廛而爲二。則又失之。或疑孟子稱關市譏而不征而周官有廛征不知商之有征賈之有廛猶農之有賦也。使農民有賦而商賈無

征則恐民爭逐。末周官之法爲萬世經也。孟子所云獨文王治岐之政然耳。豈可以後世之征商已甚而疑周公立法之未當乎。

凡貨不出於關者舉其貨罰其人。

簿記其貨俟詰問或撻其人或罰以布而仍還其貨也。司圜職凡圜主之刑人也不虧體其罰人也不虧財。司市職有罪者撻戮而罰之。凡罰多以財言若舉爲悉沒其貨則財之虧適量矣。而復罰以財乎。

國凶札則無關門之征猶幾

門無征不征其貨也關無征不征其廛也

掌節

掌守邦節而辨其用以輔王命

注據典瑞以珍圭牙璋穀圭琬圭琰圭爲邦節是也但釋下經謂諸侯於其國中用玉節公卿大夫王子弟於其采邑用角節則非耳蓋邦節卽玉節角節也王有徵守恤荒起軍治守和難聘女治德結好易行除慝之命而遣使於諸

侯則用玉節各象其事以徵信於其國都鄙近在畿內無所用金節故直用角節以達王命二節乃天子所獨用故先列之而後及上下通用之使節耳以經傳考之諸侯上聘及邦交皆得用玉而天子之於諸侯舍命圭賜瓚而外凡聘問無用圭璋者故五瑞之外別有此下聘徵信之圭璋自掌節言之則曰玉節耳而諸儒謂瑞不可以爲節誤矣春秋傳文十二年秦伯使術來聘致玉曰以爲瑞節蓋諸侯別無玉節卽以

所執之圭璋爲信、故云瑞節耳。大行人職、王

朝遣聘之禮、四閒問、

小行人存類省皆閒問之事

歸脤賀慶

皆治德結好之類、致禴則恤荒之類、外此則有
會同而徵守、有征伐而起軍旅、侯國有寇戎而
爲之徵兵治守、兩國相怨讐而爲之和難、侯氏
有敗度而加威讓、使易行除慝、王朝之嘉禮、則
聘女、凡天子有命於諸侯、其事盡此矣、惟聘女
穀圭之外、別有大璋、蓋聘后之幣、非用玉於侯
氏也、

守邦國者用玉節守都鄙者用角節

守邦國者王有命焉則使者執玉節守都鄙者王有命焉則使者執角節也曰使邦國者使都鄙者其義更顯而經曰守此前儒所以疑焉而曲爲之說也不知曰使邦國則嫌侯國上聘於王及方嶽中邦交通得用之曰使都鄙則嫌公卿王子弟遣使於畿內及六服之兄弟姻親通得用之必曰守然後知二節乃王所獨用而非諸侯與畿內公卿王子弟所通用也小行人達

天下之六節而玉節無列焉。則諸侯不得用。可知矣。於侯國之都鄙。別見管節。則天子於都鄙。用角節之義益明矣。康成乃謂諸侯於其國中。亦用玉節。倣天子之制而爲之。義不可通。夫天子有命於都鄙。猶不用金節。而諸侯乃用玉節乎。蓋有徵召於四境。朝發夕至。遠不過數日。故用管節如竹符之類耳。不曰諸侯而曰守邦國者。以守都鄙者。備舉其人則贅也。

凡邦國之使節。山國用虎節。土國用人節。澤國用

龍節皆金也以英簜輔之

曰凡邦國之使節該王使與諸侯之使也侯國所用之節法式頒於掌節大行人達之小行人適四方則齎其式以往下經以傳輔節傳別爲一物則英簜疑亦竹簡之類若子春杜氏之說爲兩器爲畫兩則不得云輔

門關用符節貨賄用璽節道路用旌節皆有期以
反節

疑符節璽節乃刻竹書所由加印篆行者白執

之旌節、則道路之官、使人持之、以送行者、非朝聘及齎貢賦、無所用之、

凡通達于天下者、必有節、以傳輔之、無節者、有幾、則不達、

在境內、惟家徙及轉貨、乃有節、暫出者、不必有也、

遂人

掌邦之野

鄭注野爲甸、稍縣都、非也、不曰六遂而曰野、

以造縣鄙形體之法及治溝洫通乎畿內又兼
掌四等公邑耳至稽民授田簡器教稼治野辨
萊頒職作事貢賦征役祭祀賓客喪紀其法雖
通行於家削縣都而所專掌則惟六遂與公邑
遂兼公邑詳見遂大夫職蓋法可通行而政令必各有所主
都家之長既分主之而縣師復執其總以是知
遂人不與也。

以上地之圖經田野造縣鄙形體之濫五家爲鄰
五鄰爲里四里爲鄴五鄴爲鄙五鄙爲縣五縣爲

遂皆有地域溝樹之

凡造城邑必度土地之宜而與田野相要縮所

謂形體之法也

王制凡居民量地以制邑度地以居民地邑民居必參相得也

鄉之比閭族黨州未著其城邑之形體與皆有

地域溝樹故於遂著之以與六鄉相保相受相

葬相救相賙相賓之法互備又以見公邑稍縣

臺之同此法也獨舉縣鄙者百家以下雖各爲

聚落而不能皆立城邑惟縣與鄙然後備城邑

之形體又以見鄉遂及都鄙別無城郭而遂大

夫卽於五縣擇便以爲治所。鄉大夫師都亦如之也。小司徒井法以四起數。此以五起數。何也。井之體方。必以四起數。乃便於計畝以徵賦。此則城邑居民之室數。必以五起。乃便於行比法以相保受。大司徒頒教法。故比閭族黨州鄉著其各有教治。遂人掌造縣鄙形體之法。故鄰里鄣鄙縣遂著其各有地域。亦互相備也。地域溝樹。自鄣以上始有之。不然者。修閭氏邦有故。令守閭互。則閭以下不能徧溝樹明矣。百家

以上皆有溝樹。此盜賊所以易詰。戎馬所以難犯也。造城邑必因山川原隰之面勢。規疆潦藪牧之便宜。度道路溝渠之支湊。故必以土地之圖經田野。然後城邑之形體可定。其法粗具管子度地篇

凡治野

遂人於致羣畔。教稼穡。均賦役。頒田萊。治溝洫。皆揭之曰。凡治野。明自國中。而外由鄉郊。以達於畿。皆同此法也。

以下劑致𦵏

小司徒凡起徒役無過家一人不論上地中地
總以一爲正卒餘爲羨卒與下地家二人者一
例所謂以下劑致𦵏也凡鄉遂皆然何嘗獨厚
於遂疏誤詳見小司徒職

以興勸利𦵏

地有肥瘠人有喪疾事故興起羣𦵏使彼此相
助則交得其利若移用其民以救時事及五黨
相𦵏之類皆是也不惟旅師所興之勸粟

以疆予任甿

疆予謂有兼人之力者則多授以田若餘夫則授田有經制閒民轉移執事助耕乃其職不宜在此列

辨其野之土上地中地下地以頒田里上地夫一廛田百畝萊五十畝餘夫亦如之中地夫一廛田百畝萊百畝餘夫亦如之下地夫一廛田百畝萊二百畝餘夫亦如之

鄉受地無餘夫之文以輸將服公事者皆近取

於鄉也。鄉之上地無萊近城郭人畜聚易糞也。

鄭注餘夫亦授一廛所以饒遠賈疏正卒之外一爲羨卒其餘皆爲餘夫不知餘夫受室必二十年而後子能助耕前此惟可助父兄以耕耳所謂家五人家六人家七人正合子婦而計之也。其或丁男衆多少者已足助耕之數則別其壯而受室者爲餘夫而授以二十五畝至此人復有丁男壯女滿五人六人七人之數而受一夫之田則事理之自然經制之一定何事辨

其嫡庶而特著其爲餘夫乎

凡治野夫間有遂遂上有徑十夫有溝溝上有畛
百夫有洫洫上有涂千夫有澮澮上有道萬夫有
川川上有路以達于畿

曰治野以作溝洫畛涂言也。故計所占之地而
曰十夫其實耕者乃一井九夫之地耳。匠人所
謂方十里爲成卽此經千夫之地而耕地則九
百夫匠人所謂方百里爲同卽此經萬夫之地
十而耕地則九千夫詩曰十千惟耦蓋舉其成

數猶三十三里少半里而曰終三十里也黃氏
謂自一夫至萬夫皆十除其一蓋得其指曰

凡治野曰以達於畿明白鄉郊至縣置皆用此

以治也

觀此經則鄉遂不用井法之非決矣

野對郊則爲甸獨舉

則可兼鄉郊鄉大夫職野自六尺以及六十有
五皆征之則城郭之外通可以謂之野

以歲時登其夫家之衆寡及其六畜車輦辨其老
幼廢疾與其施舍者以頒職作事

老幼廢疾不可任者也其可任而施舍者蓋貴

賤及賢能也。而不列言之者。鄉近國中多君子。遂遠郊多野人。不惟貴者服公事者。不若六鄉之衆多。卽賢能之興亦甚少也。注謂頒職作事。卽載師職所云物地事授地職。非也。九職任於閭師。載師專掌任地。故特言地職。以見其爲地。邑應承之職事。與民職異也。此職別見。令野職於後。則此所頒爲九職明矣。載師任地。以分鄉野都邑。所謂物地事者。乃物其土之所宜。此承頒職而言。則所作卽九職之事明矣。他職言

施舍必兼可任者而此畧焉以頒職作事卽所以任之也

以起政役

政役謂輸將浚築所用卽師田徒旅而事則異故更列之下經所謂凡事致野役是也

凡國祭祀共野牲令野職

牧人所畜以共祭祀者藪牧所貢之鳥獸也甸師共薪蒸掌炭共炭灰不應祭祀時遂人又別共之蓋山川因國前哲令德之祭祀在野者則

野。共。其。牲。其。執。事。之。人。則。遂。人。令。之。耳。

左傳子服景伯

曰。魯。有。以。十。月。上。辛。有。事。於。上。帝。先。王。

曰。國。祭。

祀者以別於遂之祭。醢蜡社也。所令野職卽載

師所授之地職也。凡祭祀賓客會同師役政令

所經歷其地必有職事焉。載師總任畿內之地

故主授地職六遂及四等公邑。則以授遂人。故

遂人令之也。鄉師凡邦事令作秩序。則家削縣

都之地職以授其長。而其長令之亦可推矣。

知此野職爲共祀事者。以承共野牲之後。且頒

職、作、事、已、見、上、經、也、知、遂、師、野、職、爲、九、職、中、貢、
物、者、以、與、野、賦、並、列、而、入、於、玉、府、也、

凡賓客令修野道而委積

疏謂總令遣人非也。遣人掌巡頒委積耳。野廬氏掌國道路。至於四畿。若有賓客。則令守塗地之人聚橐之。又曰。凡國之大事。比修除道路者。大師令埽道路。則修道者守塗地之人。而令之者。野廬氏也。野廬氏之徒百有二十人。而知不自共修道之事者。通掌畿內之道。禁其事繁劇。

胥徒雖多僅足共巡比譏察耳

大喪帥六遂之役而致之掌其政令及葬帥而屬六綽及窆陳役

遂人稍人皆有大喪帥役之文黃氏度遂謂遂人致於稍人蓋以稍人職獨有聽於司徒之文故疑遂人轉因稍人以達耳不知遂人長官豈有反帥役而致於屬吏之理蓋六鄉之喪役鄉師帥之皆聽於司徒但鄉師遂入帥而至則聽於司徒不言而可知稍人下士或疑帥以至遂

而遂人以致於司徒。故特文以明彰其義耳。知
甸之公邑亦屬役於遂人者。遂役專屬六紼而
遂師共邱籠及蜃車則共役者爲甸之公邑可
知矣。遂師既道野役共邱籠蜃車而稍人復帥
蜃車之役則共役者家稍及稍之公邑可知矣。
蓋犢隧之役多而稍地視縣畛爲近故也。

凡事致野役而師田作野民帥而至掌其政治禁
令

上經起野役則令各帥其所治之民而至令縣

正之屬帥而至於遂也。此則親帥而至用事之地。以聽役於司徒。遂人遂帥以遂名官。而凡治皆曰野。何也。兼自甸及畺之公邑也。惟大喪屬六綽稱六遂之役。不徵於公邑也。

遂師

經牧其田野。辨其可食者。周知其數。而任之以徵財。征作役事。則聽其治訟。

小司徒職經土地而井牧其田野。舉縣都以爲準。則通畿內之井牧。皆小司徒制之矣。而遂師

復經牧其田野何也。并牧雖定而其經界必以歲時飭正。乃無侵漫。如月令之修封疆審端徑遂是也。古者墓域官掌之。山林川澤官守之。市政官聽之。民訟大概多財征役事之抵冒耳。他如稱責婚姻相負之類。則遂大夫聽之。非遂師所職也。故特著之。遂師所登遂人憑以頒職作事。爲貢職師出政役之準也。故辭事一與遂人同。遂人之登遂大夫之稽。皆以歲時而遂師獨以時者。以辨可食之數。其事尤詳也。於可任

外別之曰可食者何也可任謂能任耕及征役者也。可食則不在家三人二家五人家二人之數。又未及餘夫受田之年而能佐耕耨自食其力者也。蓋上地中地下地合耦既定之後而一家中人數或有減耗則必於同井共邑調閒民及未受餘夫之田而能佐耕耨者以助之。里宰既以歲合耦又以時合耦者以此故也。遂師既周知其數則里宰得隨時而任之。然後財征無虧。役事可作耳。舊說謂地之可食者則小司徒

均土地、稽人民、已周知地之上中下、與可任之人數矣。注疏判制田界與井爲二事、乃承鄉遂地法各異之誤。鍾晚曰、古者粟米惟取公田之入、財征謂嬪婦園圃虞衡山澤藪牧之貢耳。王氏應電謂徵財征止於當年所耕之田、非也。凡起徒役、無過家一人、謂有大役盡用里民、不得過此。至每年役事、則必量土利之厚薄、計人力之餘乏、而調劑以得其平均。人所謂均力政是也。謂三等之地皆同、亦失之。

巡其稼穡而移用其民以救其時事

讀法興賢詳於六鄉經野勸農詳於六遂鄉師

巡國及野而闕萬民之難阨則遂可知矣遂師

移用其民以救其時事則鄉可知矣蓋鄉遂羣

吏所掌有同有異然後備列之其同者則各舉

其一以相備也後世民自爲耕穡有水旱害者

尚能自救而貧者則坐視其田之蕪沒然後鋤

先王設官以移用其民慮事周而興利溥也

凡國祭祀審其誓戒共其野牲

凡祭祀之誓戒。小宰掌之。此國祭祀之在野者。故遂師承小宰之誓戒而審之以戒其屬吏與民也。遂人專掌經野而他政。惟持其綱。故國祭祀。遂人令野職。而遂師則審其誓戒。野牲之共。亦主其令。而遂師共之。故遂人職第曰共野牲。而遂師職則曰共其野牲也。方道章曰王氏昭禹謂遂人既共野牲。遂師又共。乃贊之。非也。凡經言贊。必其事有待於助者。冢宰受歲會。惟恐其紛錯而有抵冒。故小宰贊之。小宰以法掌

禮事之戒具、惟恐其玩忽而有愆忘。故宰夫贊之稽之五官、義莫不然。若共野牲而入於牧人、何待二官之相助哉。且牧人所牧之牲、不宜遽師共之。牧人無特羊人買牲以共則王氏靜說

牧人本買而牧之可知矣

王氏靜說

謂大宰司寇掌百官之誓戒、遠吏遠在二百里外、固無預焉。審之而已、亦非也。大宰司寇所誓戒、王朝執事之百官也。遂人既不預、何由知其所誓所戒而審之哉。金氏瑤謂牧田在遠郊、正遠地、故遂人共之、亦非也。牧田雖任遠郊之地、

而不在六達之中。王朝之祭祀，牧人自共其牲於充人。與導人導師何與哉？諸儒蓋由不知此經所云乃國祭祀之在野者耳。都宗人職，國有大故則令禱祠。既祭，反命於王，正此類也。

人野職野賦于王府

野職八職中貢物也。野賦，山農澤農所入材物也。遂師所掌獨遂與公邑耳。家削縣都之賦貢，蓋縣師徵之疏誤。徐念祖曰：黃氏度謂遂師所入卽虞衡所徵於山澤之農者，非也。山虞

林衡川衡、並無徵於山澤之農、遂師徵財、征則角人等以骨物羽物葛材草貢之類、並入於遂師。遂師擇其中玉府之用者入之、其餘則並入於大府、以聽其頒。惟澤中有珠貝珍物、特得之、則以時入於玉府、故與諸職異耳。

大喪使帥其屬、以幄帟先道、野役及窆、抱磨共丘、籠及蜃車之役。

注以蜃車爲匱路、蓋據士喪禮記、遂匠納車於階間、不知彼乃士禮耳。巾車職、小喪共匱路、嬪

婦羣王子猶然。況天子之龍輶。自宜藏於典路。而共於巾車。無納於遂匠之義。

軍旅田獵。平野民掌其禁令。比叙其事而賞罰。

遂人辨上地。中地。下地之等。而遂師則周知其數。遂人令貢賦。而遂師徵財。征遂人起政役。而遂師作役事。遂人令田師。而遂師掌軍旅田獵之政令。或舉其綱。或詳其目也。

遂大夫

各掌其遂之政令。以歲時稽其夫家之衆寡六畜。

田野辨其可任者與其可施舍者以教稼穡以稽
功事掌其政令戒禁聽其治訟

遂師職已具此而覆見者遂大夫稽之然後遂
師得據而登之也。倒施舍與可任之文。又曰可
施舍者。登於遂師。則施舍與可任者已定矣。方
其稽之。則介乎可任可施舍之間者。不可不辨
也。遂師職曰衆寡六畜車輦。此曰衆寡六畜田
野者。田野有定數。登民物器具之可用者。無爲
及於田野也。衆寡六畜同而田野之收穫或異。

則。可。任。與。可。施。舍。者。於。是。乎。別。矣。

令爲邑者歲終則會政致事

不言其遂之吏而曰爲邑者兼公邑之吏也注
謂兼邑政令戒禁容遂大夫亦施焉非也大宰
以八則治都鄙而建其長立其兩設其伍陳其
殷置其輔其爲邑者無爲舍其長而會政致事
於遂大夫小司徒歲終令羣吏正嬰會而致事
於治小司徒大比六鄉四郊之吏縣師掌都邑
官也於治之賦貢三年大比以考羣吏而詔廢置則都家

之吏主之者縣師也。惟公邑之吏無文而此職。三年大比。旣曰帥其吏而興。毗明其有功者。屬其地治者。又曰凡爲邑者。以四達戒其功事。而誅賞廢興之。則其吏乃遂之屬吏。而凡爲邑者。則公邑之吏可知矣。又司會掌官府郊野縣都之百物財用。則野謂遂與公邑明矣。

三歲大比。則帥其吏而興。毗明其有功者。屬其地治者。

稽夫家畜產。以及政令徵比治訟之事。自遂人

遂師遂大夫以及縣正鄙師鄫長每職必列不
厭其複而興厖止於遂大夫職一見之簡校賓
興之法無一及焉何也政令徵比治訟之事自
遂大夫以下羣吏所掌與鄉有同異故每職備
列之興賢之典一同於六鄉覆列之則贅矣故
第言帥其吏以興厖而知一準於六鄉也 上
經既令爲邑者會政致事下經又戒凡爲邑者
之功事而誅賞廢興之無爲於興厖後復言吏
治而明其有功者蓋卽賓興之終事也賢能衆

多卽其地治者教導之功。聚凡有地治者而明之。則無功者愧恥而勸勉矣。又與鄉大夫典賢之事互備。以此職見鄉大夫既獻賢能之後。以五物詢衆庶。亦屬有地治者而明其功也。以鄉大夫職見遂屬有地治者而明其功。卽以五物詢衆庶時事也。於明其有功之後。始言屬其地治者何也。使但曰明其有功者。則似無功不列而勸懲之義不彰矣。

凡爲邑者以四達戒其功事而誅賞廢興之

如注所列僅二事耳。祀賓射鄉不與焉。非義所
安也。四達疑卽八則中之四。蓋八則中廢置祿
位誅賞乃上所以馭吏。非吏之功事也。祭祀禮
俗賦貢田役則鄉遂公邑都鄙通行之政。凡爲
吏者之功事無外此者矣。禮俗包教學或曰自
田役包軍旅遂以達於甸之公邑。自甸以達於稍縣都之公
邑。故曰四達。鄉師之廢置誅賞尙以詔冢宰。
而不自專。而遂大夫直曰廢興誅賞之何也。鄉
師六官之攷也。鄉大夫卽六卿也。其宜廢宜置。

可誅可賞得自列於冢宰六遂及公邑地遠而
事紛一一見冢宰而詔告之日有不暇給矣故
惟據爲邑者所會之政所致之事定其誅賞廢
興以狀陳俾冢宰憑以聽斷焉其易廢置爲廢
興何也廢置以人言廢興以事言如川防浚築
之有改移徵斂功役之有用舍是也於鄉言廢
置於遂言廢興亦互相備遂大夫之職與鄉
大夫異者聽治訟也縣正與州長異者掌治訟
也鄙師與黨正異者掌祭祀而不及喪紀冠昏

飲酒也。鄉長與族師異者，治祭祀喪紀也。鄉大夫不聽治訟，六官之長未遑鄉邑之治也。故使鄉師聽之。遂大夫遂師皆曰：聽其治訟者，遂師所聽，獨財征役事之訟。凡民事之訟，並歸遂大夫也。遂之治訟，分聽之者，繁於鄉也。鄉近王都，國中之訟皆歸於鄉士矣。遂大夫曰：聽治訟，縣正曰：掌治訟者，掌達之於遂大夫而不專決也。鄉之中，州長蒞大喪，黨正掌喪紀，冠昏遂之喪紀，僅一見於鄉長職。冠昏飲酒，則並無文者。鄉

乃公卿大夫賢士所萃。故喪紀冠昏飲酒禮儀
備焉。遂則羣。昨聚居分卑。禮畧不敢以煩。有司
也。喪紀所關尤重。其士大夫之家。則鄮長治之。